



საქართველოს იუსტიციის უმაღლესი საბჭო

გოგა კიკილაშვილი

ბიულეტენი

კენჭისყრა - 30.05.2024

თანახმა ხართ თუ არა, საქართველოს უზენაესი სასამართლოს მოსამართლის
თანამდებობაზე ასარჩევად საქართველოს პარლამენტისათვის წარდგენილ
იქნეს გიზო უბილავას კანდიდატურა?

დიახ

არა



**საქართველოს უზენაესი სასამართლოს მოსამართლის თანამდებობაზე ასარჩევად
საქართველოს პარლამენტისთვის გიზო უბილავას კანდიდატურის წარდგენის შესახებ
გადაწყვეტილების დასაბუთება**

საქართველოს იუსტიციის უმაღლესი საბჭოს 2024 წლის 24 იანვრის No.1/4 განკარგულებით, დაიწყო საქართველოს უზენაესი სასამართლოს მოსამართლეობის კანდიდატთა შესარჩევი პროცედურა, უზენაესი სასამართლოს მოსამართლის 3 ვაკანტურ თანამდებობაზე მოსამართლეობის კანდიდატთა შესარჩევად.

საქართველოს იუსტიციის უმაღლესი საბჭოს 2024 წლის 22 თებერვლის No.1/10 განკარგულებით, კანდიდატად დარეგისტრირდა გიზო უბილავა (შემდგომში - „კანდიდატი“).

„საერთო სასამართლოების შესახებ“ საქართველოს ორგანული კანონის 34¹ მუხლის მე-8 და მე-10 პუნქტებით დადგენილი წესით, 2024 წლის 02 აპრილს, ჩემი მონაწილეობით, საქართველოს იუსტიციის უმაღლესმა საბჭომ ჩატარა „კანდიდატის“ საჯარო მოსმენა.

„საერთო სასამართლოების შესახებ“ საქართველოს ორგანული კანონის 34¹-ე მუხლის მე-12 პუნქტის შესაბამისად, 2024 წლის 21 მაისს საქართველოს იუსტიციის უმაღლესი საბჭოს No.1/23 განკარგულების საფუძველზე საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისთვის წარსადგენი კანდიდატების შერჩევის შემდგომ ეტაპზე გადავიდა სამი კანდიდატი: ბადრი შონია, გოჩა ჯეირანაშვილი და გიზო უბილავა.

„საერთო სასამართლოების შესახებ“ საქართველოს ორგანული კანონის 34¹-ე მუხლის მე-13 პუნქტის შესაბამისად, 2024 წლის 30 მაისს საბჭოს ღია სხდომაზე ჩატარდა კენჭისყრა, რა დროსაც საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენად მხარი დავუჭირე გიზო უბილავას კანდიდატურას.

კანდიდატის მიერ წარმოდგენილი და საქართველოს იუსტიციის უმაღლესი საბჭოს მიერ მომიებული ინფორმაციის, აგრეთვე კანდიდატთა საჯარო მოსმენის შედეგად მიმაჩნია, რომ კანდიდატი სრულად აკმაყოფილებს „საერთო სასამართლოების შესახებ“ საქართველოს ორგანული კანონის 35¹-ე მუხლის მე-2 და მე-3 პუნქტებით გათვალისწინებულ კეთილსინდისიერებისა და კომპეტენტურობის კრიტერიუმებს.

ჩემ მიერ კომპეტენტურობის კრიტერიუმით კანდიდატი შეფასებულია 90 ქულით, რაც „საერთო სასამართლოების შესახებ“ საქართველოს ორგანული კანონის 35¹-ე მუხლის მე-17 პუნქტით განსაზღვრული მაქსიმალური შეფასების 90%-ს შეადგენს.

საჯარო მოსმენის ფორმატში კანდიდატმა გამოავლინა კანონმდებლობის, აგრეთვე, ქართული და საერთაშორისო სასამართლო პრაქტიკის სიღრმისეული ცოდნა. კანდიდატი საერთო ჯამში 25 წელზე მეტი პერიოდის განმავლობაში კანდიდატი ეწევა პროფესიულ საქმიანობას, მათ შორის, საპროკურორო, საადვოკატო და სამოსამართლო საქმიანობას და ასევე ეკავა მენეჯერული თანამდებობებიც საქართველოს პროცესუალურის ორგანოებში.

2024 წლის 30 მაისს ჩატარებული დია კენჭისყრის შედეგად კანდიდატმა დააგროვა 1378 ქულა (91.87%) და საერთო რეიტინგში დაიკავა მესამე ადგილი.

ყოველივე ზემოაღნიშნულის გათვალისწინებით, მიმაჩნია, რომ კანდიდატი სრულად აკმაყოფილებს საქართველოს უზენაესის სასამართლოს მოსამართლეობისათვის აუცილებელ მოთხოვნებს და მხარს ვუჭრ მის კანდიდატურას საქართველოს პარლამენტისთვის წარსადგენად.

გოგა კიკილაშვილი

საქართველოს იუსტიციის უმაღლესი საბჭოს არამოსამართლე წევრი

30/05/2024